

國  
朝  
詞  
綜  
補

國朝詞綜補卷二十六

無錫丁紹儀杏舫

葉申薌

補詞四首

顧元熙

一首

吳慈鶴

補詞二首

戴鼎恒

一首

黃安濤

補詞二首

孔昭恢

補詞一首

沈學淵

二首

金勇

一首

鄧祥麟

三首

錢之鼎

補詞三首

沈濤

補詞六首

顧翰

補詞十三首

鄭璜

二首

蔡聘珍

一首

張應昌

補詞四首

程恩澤

三首

趙鉞 一首

周凱 二首

蔡世松 一首

王衍梅 五首

劉珊 一首

吳衡照 三首  
補詞

馮雲鵷 一首

楊思敬 一首

葉申薌

字小庚 閩縣人 嘉慶十四年進士官河南知府

謁金門 鷹潭晚眺

登臨適遠水遙天一碧歷歷去帆山嘴滅晚江風正急

高岸楓丹柏赤淺渚煙消霞溼做弄秋光娛倦客客

懷愁轉集

漁家傲 壬辰北上

春水方生春草碧扁舟又作辭鄉客江岸柳條才一尺  
難攀折回睥已是雲山隔催理倦篙離岸側瀟瀟暮  
雨篷窗黑敲枕欲眠眠未得情何極挑燈呼酒歌聲咽

祝英臺近

紅葉

茜霞明桃浪妒寒豔竟如許滿眼秋光春色莫相誤爭  
愁萬卉霜欺誰知霜後轉染就嬌紅無數雁來否更  
愛堦下亭亭疎影列珊瑚樹柏赤楓丹催得歲華暮因憐  
酒客顏衰霜林一樣日日醉斜陽一度

木蘭花慢

別梅孤山

被東風幾日做弄出豔陽天已勒住餘寒催將新暖紫

姹紅嫣梅仙香魂欲返費相思此別又經年索笑空縈  
夢想憑闌且復留連 還憐風景芳妍蘇堤畔段橋邊  
正春色撩人天桃浥露稗柳籠煙湖船儘多俊侶問誰  
曾扶醉覓花鈿賸對山青波綠爭思脆管繁絃

顧元熙

字耕石吳縣人嘉慶十四年進士官侍講

浣溪紗

曾爲春游倚畫橈幾番暮雨聽瀟瀟青年時候鬢絲凋  
舊日紅樓應好在久無心緒按瓊簫且拚痛飲讀離

騷

吳慈鶴

字巢松長洲人嘉慶十四年進士官侍讀有鳳巢山樵詞

浪淘沙

往事記惺忪昨夜鐙紅斷腸猶有一尊同今夜畫船星  
月小立盡東風羅袂影匆匆暗減香筒銀灣咫尺夢  
難通各抱屏山天一樣殘漏聲中

疎影

題吳蘭雪蘭花博士圖中有姬人綠春小影

綠雲千頃蕩碎霞幾縷飛點清鏡多謝明髮彈上西風  
不許秋容先醒頭銜可許仙郎換把十二芙蓉俱領鎮  
相攜買箇蘭舟搖過碧清紅淨歸夢尊鄉差穩喜風  
裳水珮閒坐清永顧影姮娥注眼湘波倒浸屏山都冷  
水天還證三山話說藕偶蓮憐應省怕人間傳是花仙

偷畫煙蕙雙影

戴鼎恒

字春羲烏程人嘉慶十四年進士官知府

金縷曲

讀黃仲則詞卽用集中贈汪劔潭韻

公竟清時放羨當年中原旗鼓過江人望孤負名山歌  
哭意天海奇情難量早清水黃塵增悵慧業靈光須不  
陸儘一生紅淚和愁葬增悲慨意飛蕩 蒼茫揮手河  
梁上漸消沈竹西煙月蕭條閒况收拾應留吟卷在差  
喜故人無恙弔青塚碧棠深巷唱徹惱公新樂府有秋  
魂夜泣芙蓉帳驚古劔匣中響

黃安濤

字霽青嘉善人嘉慶十四年進士官湖州知府有綠箋詞

摸魚兒

題郭頻伽山陰歸棹圖

度錢塘千巖萬壑而今君倦遊未算來不負三年住占  
斷春風桃李斜照裏指隔岸吳山一握青螺髻五湖差  
擬倩添畫箇人越羅裙袂同坐短篷底連朝雪似欲  
勾留遊子放歸還算天賜畫船兩槳人雙笑一路聽風  
聽水家近矣過學繡村西便是君鄉里綠窗晚起想鏡  
裏眉痕道中山色深淺畫來記

齊天樂

笛

耳根何物閒情惹桓伊踞牀吹乍怒截龍鬚輕攜鶴骨  
按向尊前花下腸迴淚灑更感逝傷離藉他陶寫送老



浮生只消幾度玉梅謝  
歌臺誰復下馬任新聲奏出  
幽咽遙夜赤壁空明黃樓縹渺風月天然無價塵心欲  
化聽遠韻悠揚四山如畫髣髴蘆中掉孤舟去也

孔昭恢

字鴻軒曲阜人嘉慶十五年舉人有春及園詩附詞

如夢令

題歌郎韻蘭畫蘭

想見拈毫時候一點癡情暗逗慧業認前身恰似董家  
娟秀娟秀娟秀數筆憐他醉後

沈學淵

字夢塘寶山人嘉慶十五年舉人

金縷曲

題南高淀店壁

茅店斜陽外揭簾鉤舊時題壁模糊尙在只有看花前

度客綠鬢絲絲先改怕春夢今宵無賴多少天涯鴻爪  
雪被黃塵十丈風吹壞還往路又三載鄉心客思都  
難耐況禁他風鈴獨語月柳敲碎一領牛衣平日話有  
箇挑燈人待道詞賦從今休賣不信黃金重鑄鐵到澆  
愁有酒無從買敲枕想夜如海

湘春夜月

題蘿月山館填詞圖

近黃昏碧梧桐下修簫又是嫩月娟娟閒度可憐宵畧  
帶幾分秋意愛荔牆三尺冒住花梢想補蘿並坐輕籠  
翠袖低拍紅么才人不作溪山似舊金粉難描且去  
填詞誰更解曉風楊柳如許魂消君能好事况少年裙

展招邀我亦慣向煙波自署野紅釣客漁唱溪橋

金

勇

字近園英山人嘉慶十五年舉人

百字令

揚州旅舍贈友

半生羈旅又睜眸歲暮淒涼天氣卻月淩風臺榭在誰  
信荒寒如此鐵板銅琶淺斟低唱各訴傷心事一枝詞  
筆居然壓倒姜史 况是婦服纔除望廬思遠感慨關  
身世貧賤相憐原共命第一平生知己綺語都刪清愁  
難被灑盡尊前淚有誰慰藉竹西先少歌吹

鄧祥麟

字樵香藥城人嘉慶十五年舉人官橫州知州有六影詞

瑣窗寒

紗窗

鑽紙嫌蠅窺櫺厭雀綠紗新換初籠旭日隱約曉妝人  
面倩雙鬟玉臺暫移遞香偶觸花鈿顛正猶眠乍醒燕  
歸頻睇蝶飛猶戀 庭院芳華晚比地角天涯隔來人  
遠知心小語爾汝許多恩怨繡牀邊長晝倦時睡絨細  
碎痕似染更明朝巧刺荷囊默數穿針眼

綺羅香

羅帳

細詫鮫絲薄猜蟬翼櫺櫺流蘇垂重半幅周遮展處不  
留些縫挂山樓煙軟風柔支水榭月來雲送近疎寮滿  
架薔薇半牀花影盡搖動 今宵微減暑氣無那呼來  
半臂繞身爭捧霧鬢低偎只妒竹奴分寵憶孤槎紙帳

相隨有七尺香衾虛擁恍羅浮月落梅橫舊游都似夢

玉漏遲

藤枕

北窗纔過雨尋詩枕上涼添如許誰翦纖條似織同心  
絲縷滑膩隨時拂拭又輾轉憑人攜取聞細語天河入  
幔待看牛女何用夢幻遊仙近軟玉凝脂渾忘朝暮  
豔福清修欲共黑甜鄉住只是溫柔畧欠笑四角風稜  
還露香暗度侵晨紫藤花吐

錢之鼎

字鶴山丹徒人嘉慶十  
五年舉人有雙花閣詞

蝶戀花

澹沓韶光花尙早嫩柳枝頭著得春多少水曲紅樓深

窈窕一梳新月窺煙杪。樓上寒輕人語悄。繡幕蘭燈  
只有雙棲好。淚溼銀箏和夢抱。卻愁吟鬢天涯老。

阮郎歸

春陰閣在畫簷前。簷低深護簾。桃花瘦盡雨綿綿。不成  
三月天。榆筴大笋芽纖。撲衣風更尖。認巢燕子語呢  
喃。自銜飛絮還。

戀繡衾

綠窗紗淨展嫩蕉。裊遊絲。春影暗飄。鑪煙燼。綉簾靜。睡  
纔醒。殘醉未消。芳原何處輕帆到。趁花溪。香漲暖潮。  
正柳絮垂垂下。被東風扶過小橋。

沈

溝字西雍嘉興人嘉慶十五年舉人官興泉永道有匏廬詞

出游春

草痕

野火燒殘後。又東風吹暖。芳意如許。只合遙看。踏青人  
屐齒已教頻數。拾翠青郊步。映幾摺畫裙金縷。襯平蕪。  
一抹荒煙。莫認遠山眉嫵。未阻。王孫歸路。縱啼鳩聲  
催休。怨遲暮。豔染紅心。是越羅襟上。舊時歡吐。問客消  
魂否。漸細雨。愁生南浦。贏得綠徧空階。亂翻蝶舞。

南樓令

題陳竹士元配金織織女史瘦吟樓遺硯前明吳江葉小鸞女史有疏香閣眉子硯

鵝眼碧痕浮。紅絲冷麝篝。認依稀眉子風流。韻事疏香  
妝闌後。又題到瘦吟樓。缺月墮銀鈎。空花影亦愁悵。

雲鬢霧鬢難留，賸有玲瓏蕉一葉。記曾伴綠窗幽。

八聲甘州

春日招同人集蓮亭之秋雪簃

看消涓野水繞荒灣，香盈白蘋洲。恁東風吹縹鴨頭淺，漲雁齒平浮。聽取提壺頻喚，好共被清愁。爲問堤邊柳，青眼舒不絕，似阻風中酒。又江湖舊夢，狎到沙鷗，嘆黃塵烏帽，何地著扁舟。盪春魂，數聲柔艣，念家山莫漫賦。登樓闌紅約，待扶殘醉卅六陂秋。

瑣窗寒

秋煙

薄霧籠寒，輕雲閣雨，忽添淒黯濛濛。密密低傍藕花池，館眉春紅。千絲萬絲已教落盡，成秋苑正嫩涼天氣。惜



惜門巷霎時吹徧 遮斷遙山半  
看乍蘸樓陰又橫波  
面空簾欲暝誤了未歸雙燕  
漏林梢夕陽弄晴幾痕澹  
抹天更遠鷺飛來化作閒愁  
總是江南怨

綺羅香

秋衾

鴛錦新裁龍鬚乍捲剛是嫩寒時  
節擁到宵深坐對玉釭明滅  
早鄂君彩繡凋殘  
漸荀令餘香消歇  
賸月明冷浸蘆花  
悄吟山木此何夕  
班姬團扇恨切羞見輕羅  
百幅半和愁疊  
歡唾離痕檢點已成陳跡  
怯空牀抱影孤眠記剗襪  
背人偷揭更夢回銅輦淒涼  
怨情那忍說

繡停針

補裘

理繡篋。甚翠袖籠時。忍寒裁翦。一腋千金。零落舊痕。唾  
碧淚紅都滿。長卿遊倦。問記否。驕驕曾典。漫嫌百結蒙  
茸。幾回壓殘金線。顰眉撫皓腕。歎巧奪天工。未消塵  
蹊。恨縷情絲。纖指密縫。肯付酒家輕換。夜闌燈黯。共話  
到牛衣淒怨。紫霜無分尙餘。做貂相暖。

顧

翰字兼塘。無錫人。嘉慶十五年舉人。官涇縣知縣。有拜石山房詞。

荷葉杯

用韋莊體

昔日寶釵樓上。相傍。同把好山看。一雙羅袖倚闌干。細  
雨不知寒。今夜水沈金獸薰透。翠被繡鴛鴦。無如迷  
迭與都梁。總是惱人香。

擊梧桐

宋于庭大令賦延秋詞余亦繼作

日影纔過午人正倦何計銷他殘暑七尺疎簾捲蔭簷  
隙只有桐垂細乳蘭芽短短竹枝嫋嫋漫道綠天可補  
最怪纖雲起化碧煙散去幾曾飛雨芳草隄邊夕陽  
樓角那省來從何處卻到人心上別恨外另釀一番情  
緒我獨爲誰延佇斷垣苔縫聽亂蛩絮語似東牆悲秋  
宋玉無限淒楚

浣溪紗

小閣春寒近更添東風輕拍澹紅簾海棠絲外雨廉纖  
鎮日無言常脈脈未曾有病卻慊慊綠塵飛上水晶

奩

憶舊遊

過蘆區

趁潮荒淺瀨雪換涼漪來賃江船自挂孤帆去聽浪花  
堆裏打槳聲圓一路叢蘆蕭瑟秋夢渺無邊有幾縷魚  
雲幾絲鷗雨閣住遙天飄零舊詞賦悵滯醉閒吟辜  
負華年莫話淒涼意似病蟬無力猶唱離筵贏得酒邊  
衰髮歸染六橋煙只同我消魂後湖官柳疎可憐

喝火令

秋夜聞雁

小坐拋絨扇疎簾上玉鈎碧天雲影夜悠悠試問銀河  
耿耿何事不東流少睡偏多夢無聊便有愁一繩新

雁正橫秋記得鶻枝搖過白蘋洲記得十三筍柱人在  
小紅樓

水龍吟 鄺湛若天風吹夜泉研

是誰繭足幽荒一圭製出新蕉尾麋丸欲試當時瘴墨  
幾絲猶膩天籟如暗秋泉暗蓄玉沙難洗想翩翩英妙  
美人帳下編赤雅分行記 定共奇香十賚伴瑤琴同  
來福地詩成脫手弓衣繡編槿花隊裏曾侍牙旂李波  
小妹石能言未料沈湘去後一雙鴝鵒淚如鉛水

高陽臺 過下邳

草草離亭勞勞行客和愁賦上征鞍山額樓雲宛然恨

鎖眉端人煙寥落逃亡後有蘆簾竹屋河干傍閒門野  
水無鷗直恁荒寒 故侯斷碣尋銀字想當年圯下黃  
石書傳卧柳蕭疎矮橋橫泊漁船鴉軍圍處偏成陣畫  
斜陽醉墨初乾更催人涼暝沙頭添倍淒然

虞美人 書寄伯夔

短屏只畫瀟湘雨屏底涼如許陰陰芳樹綠窺門便是  
不看秋草也消魂 未灰心事沈香火獨傍香篝坐秣  
陵天遠夢都無聊寄一行病柳帶蟲書

慶清朝

題葉小鸞疏香閣眉子研拓本研刻開奩  
一研櫻桃雨潤到清琴第幾絃句

翠帔風吹銖衣月冷碧城人去迢迢小研微凹幾絲猶

宛松膠勾取煙雲一片綠窗展玩似寒蕉銀鈎字芳名  
宛在茗玉曾雕 爲念嬋娟多病料生來慧業卽是愁  
苗暫謫塵寰肯同寫韻文簫只恐愁蛾蹙損黛螺分影  
舊痕消傷情處櫻桃花落疎雨瀟瀟

望湘人

途中寄翠素女兄暨蘭厓竹畦兩弟

望蒼茫暝色淒黯暮陰旅愁飛滿天際短槳搖煙敲帆  
翦雨獨自柁樓斜倚荷葉跳珠蒲梢戛玉一星星淚便  
江干芳草如塵何似謝池夢裏 除是自家兄弟料逢  
迎到處也無情味况作客天涯更有誰爲知己廨屋苔  
荒湖田石瘦何日方成歸計願釣取小鯉銜書遠溯浙

江潮尾

謁金門

霜月冷落葉亂捎銀井天末雁行飛不整秋聲先到枕  
漏點漸添淒哽鑪火漸留餘燼開得釭花長一寸歸  
期應有準

百字令

爲郭頻伽題春山埋玉圖

西泠橋畔記銀鬢曉送左家嬌妹腸斷荒山薶玉地碧  
影淺分蛾黛籬竹痕斑小桃骨瘦流斷涓涓水春墳依  
舊藤蕪吹上幽翠是誰生色圖成冥冥煙雨著意添  
憔悴香冷冬青寒食飯沒箇傷心人拜一片殘碑幾行



題字扶起斜陽外啼鵲何恨爲渠染徧紅淚

玲瓏玉雪聲

靜掩銅環怪幽籟分外蕭蕭閒花落盡瓦楞幾片輕敲  
不在天風高處在敲斜疎竹清脆寒蕉飄搖休疑他松  
捲翠濤何事悠揚短笛與丁東寒漏併作今宵羅襪  
塵生最堪憐環珮人遙縱傳南枝消息便知是玉梅香  
折未抵魂銷只低和唱新詩驢背灞橋

鄭

璜

字瘦山吳江人嘉慶十五年舉人

鳳凰臺上憶吹簫

題姚棲霞女史翦愁吟

紫玉無年蘭香未嫁吟牋讀罷無聊想一燈俚影和淚

輕挑自分新愁難翦借柔毫細把愁描傷心處慵拈梅  
子怕聽芭蕉難招芳魂縹緲但埋玉深深草沒裙腰  
歎優曇命短不待花朝賸有零星斷句蠶眠字雪琢冰  
雕誰同調疏香閣中一樣垂髻

百字令

陳君冀子得陳時廢壙中方鏡倚聲索和  
依調奉酬

西陵紅鬼問伊誰靈殉墓磚空認入手寒芒紛四射照  
盡曉妝春影眉蹙螺丸鬢敲蟬翼多少菱花恨六朝如  
夢六朝猶剩金粉當日衣捲秦宮鸞迴漢殿舊事堪  
重省魏晉齊梁斜照裏一例胭脂秋井埋玉千年摸金  
一昔難喚香魂醒摩挲試想靨圓何似苔暈

蔡聘珍

字笛椽蕭山人嘉慶十五年舉人  
官江陵知縣有小詩航稿附詞

浣溪沙

縹緲明姿憶絳仙  
華鬢雲擁蔚藍天  
不恆風調最堪憐  
花意自肥人自瘦  
月痕如水夜如年  
趁時梳裹爲誰

妍

張應昌

字仲甫歸安人嘉慶十五年  
舉人官中書有煙波漁唱詞

探春慢

春雪初霽吳仲耘招同人集小羅浮山館  
倚醉賦此

雪絮飄殘梅魂睡  
穩池塘初泮層凍  
春蓋溫擎瓊筵促  
坐消散一襟寒重  
剛羽觴飛下又調笑  
卷波催送幾番  
拋打槍籌梨花傾盡  
春甕爭說羅浮好夢  
有翠舞紅

園珊珮嬌弄明月當前玉簫何處妒煞秦臺飛鳳不避  
千卮醉愁醉裏濃情添種闌外斜陽教人芳信休縱

珍珠簾

上已後一日同人泛舟西溪酌酒厲樊榭先生墓芹飲交盧庵舫齋用吳夢窗體

冷煙淒雨遲春色返梅魂到了清明寒食小艇度癡環  
對滿溪飛白正好青郊攜麥飯酬杯酒詩人幽宅香國  
有真靈來往橫斜花側花下佛屋三閒繞池塘幾雨  
千枝歷碧喚起老詞仙醉羽觴瑤席高士美人環珮冷  
待縞月黃昏尋覓相隔又薄暮東風催歸櫓急

摸魚兒

黃蘗泉囑題其仲父蔭人先生秋江采魚圖遺翰

一篷兒釣船不繫生涯如寄鷗點老漁自有忘筌意煙

墨偶然驅染雲冉冉是畫筆通靈也學蘋波閃澄江黯  
淡賸淺水寒蘆清秋好月棖觸海桑感 人閒事原有  
還珠合劍先疇遺韻能念竹林俊侶騷壇主霞想海懷  
何減重點檢喜無恙家山蟹舍漁莊占相看未厭共西  
塞山前吾家蓑笠斜雨橫春纜

大聖樂

病中和同人西湖送春用草窗韻

橫翠檐牙瘦紅牆角半湖煙樹看兩峰雲意悄悄乍暖  
又寒吹落幾絲微雨二十四番花風過但芳草平波迷  
綠浦歡游倦想人倚畫闌歌斷金縷 蜂狂蝶狂未苦  
算愁到啼鴉誰共語歎帶圍寬盡韶光孤負濃陰如許

一霎玉驄香車杏臙楊柳深深垂院宇無聊甚更雙燕  
穿簾明絮

程恩澤

字春海歙縣人嘉慶十  
六年進士官戶部侍郎

減字木蘭花

牽牛花

柔藍一架小摘銀河秋影下莫是黃姑配得匏瓜獨處  
無金鈴鼓子喚盡芳名渾不似輸與郎誇世上原無  
織女花

百字令

桐編

綠瓊枝小白絨絨非雪非花非絮金井玉闌黏欲徧昨  
夜露華疑雨傅粉難乾吹香不定恐逐西風去纏綿宛

國朝詩集卷之三  
三  
約令人情緒如許 最是么鳳憎寒兜羅煨暖應有安  
巢處裹住離心縈著恨不放一秋先度月燄初平雲篩  
正膩惆悵吳娘杵裝衣夢遠幾回錯撫庭樹

望海潮

鳳柳

何年翠鳳婆娑九尾翩然來集幽深眠重醒遲雨多晴  
少無煙亦是沈沈山曲水之陰有畫橋橫路香絮盈襟  
一面風偏欲隨驄馬度遙岑 天涯別恨侵尋正當眉  
憶黛理線停針思曼渺綿小蠻旖旎春來事事難禁人  
影倚樓心悵奏雲似棧蜀嶺如罈露白霜紅爲誰憔悴  
到而今

趙

鉞

原名春沂字雱門仁和人嘉慶十六年進士官泰州知州

金縷曲

寒夜讀浮眉樓詞卻寄

風格知何似祇當年玉田蘭畹差還可擬一卷烏絲腸  
斷句欲把金尊淘洗奈紙上淚痕隱起何處吹簫容乞  
食料旗亭那有人雙鬢應佳耦是知己勸君何苦悲  
身世看分湖菰煙蘆雪十分愁思一面闌干憑倚徧莫  
又爲他憔悴况兩鬢蕭蕭如此算有故人無恙在更天  
涯同調能餘幾長相憶可知未

周

凱

字芸臯富陽人嘉慶十六年進士官興泉永道

暗香

爲顧伴紮明府樹作梅邊吹笛圖用姜白石韻題其上



江邊月色耐淒涼，慣照離人吹笛分。付東風漫把詞人，  
便輕摘回首西陵路。杳曠攜得老逋吟筆，更誰倩健步  
移來疎影上蓬席。鄉國信寥寂，想孤嶼前村如雪堆。  
積幽懷欲泣，舊鶴天邊苦相憶。聽到高樓三弄，誰共守  
夜寒空碧。香縷縷飛去也，有人省得。

疎影

前題

苔箋掃玉正描來，瘦影思共誰宿。翠袖輕盈怯下晶簾，  
怨託一枝橫竹。扁舟不是當年客，已歷盡大江南北。算  
素娥解伴香魂，不忍看花人獨。我亦濃情萬種，夜闌  
默訴與香篆凝綠。自檢芳心，試問明蟾何處羅浮仙屋。

頓教一夢隨流水又譜出江城新曲歎綵毫畫徧青山  
怎似暗香盈幅

蔡世松

字友石上元人嘉慶十  
六年進士官布政使

高陽臺

葉底書雲蕊邊研露三千里外相思鴛牒空存尋春應  
悔來遲香泥已分沾飛絮又無端蹙損雙眉悵天涯消  
瘦誰憐消渴誰知 斜陽望斷磁圍巷怪雙飛燕羽也  
恁差池落盡嫣紅等閒錯過芳時連宵鈴索風前護便  
殷勤難返空枝一絲絲魂不禁銷情不禁癡

王衍梅

字笠舫會稽人嘉慶十六年進士  
官武宣知縣有綠雪堂集附詞

西江月

題漁父圖

向晚天光畢綠映霞山色全青蓼花紅過藕花汀沈醉  
老漁方醒 每日得錢沽酒有時倚棹橫經世閒踪跡  
是浮萍飛去白鷗無影

滿江紅

李芸甫水部爲余畫笠舫歸去來圖自題此解屬同人和

朔雪南雲領畧過紫茸烏帽搔首處衣香人影鬢絲縹  
繞萬種風情春蝶亂一腔涼思秋蟬報趁蕭蕭落葉打  
江城蒲帆峭 黃篋舫編疎蓼青箬笠披煙篠更藥鑪  
經卷竹牀茶竈手板爭如蓴菜滑頭銜冷被蘆花笑準  
歸來漁弟喚漁兄閒垂釣

西子妝

晚春夜飲

流水落花夕陽細草盡是東君歸路綠榆錢小學人慳  
肯輕拋買些春住鵲啼竟去只燕子雕梁軟絮夢回時  
訝篆煙凝碧銀泥無數芳菲誤送徧飴簫又趁橋外  
渡酒旗搖颺不禁風認半梢柳陰濃處笙朝笛暮念前  
代青山如故且消磨一斗茅柴佳趣

木蘭花慢

書所見

被東風喚起一聲燕一聲鶯早夢逐飛花意和飛絮舞  
徧春城歌船隔溪嘹亮又連催玉板與金箏纔轉谿灣  
數曲紅妝驀地相迎多情兩岸縠紋生人在鏡中行

唐詩言解卷之二  
奈衣香細細臉波宛宛眉語輕輕前番似曾見過恨心  
頭如醉不分明低唱木蘭花慢歸來月上簾旌

曲游春

春雨爲施璞園作餞

一曲雲無縫怎被風吹破飛翠時滴灑上梨花怪玉人  
何事淚痕先溼漠漠愁絲織枉過了禁煙寒食傍畫簾  
碧草萋迷眠損一雙蝴蝶凝絕商量蠟屐向沽酒橋  
頭輕帶蠻榼纔見青旗又金鶯喚恨玉驄嘶咽好友將  
離別全不管柳條攀怯醉來滿地相思落紅難拾

劉

珊

字海樹漢川人嘉慶十  
六年進士官潁州知府

金縷曲

題嚴小秋詞稿

我亦工愁者怪年年浮煙浪墨任情塗寫勘破東風流  
水意盡把閒愁拋舍儘啼徹鶯聲嬌姹一縷秋心袪未  
淨爲兩絲風片來相惹空餘得淚盈把富春灘上寒  
波瀉是幾時客星墮地酒星同化玉管金莖消豔福六  
代江山如畫好供爾柔毫揮灑嚼蕊吹花無限恨向燈  
前題徧熏香帕休辜卻冶春治

吳衡照

字子律海甯人嘉慶十  
六年進士官金華教授

琵琶仙

送孫雨人赴永嘉學博任卽題其春江話  
別圖

楊柳垂堤最無那刻意傷春傷別江上天色陰晴花飛  
暗愁絕閒倚著亭亭畫舫卻添箇靚妝初抹博士情多

詞人性嬾相伴煙月 想從此雙槩蘭溪到芳草池塘  
甚時節都把謝郎詩思付苔階蝴蝶回首見青山擁翠  
忍便忘一水重疊憶否他日銜盃故人天末

西子妝

爲汪君小米題其室湯德媛女史寒閨病趣圖

飛雪吹綿峭風交翦不捲簾櫳閒坐藥香清比茗香清  
要文園料量纔可鴉雲半鞞正摘得水梅小朵愛斜簪  
向曉窗青鏡瓏鬆梳裏 愁無那瘦減容光轉怕脂粉  
宛久拚疎了繡工夫檢威裒七言分和扶行婀娜試如  
水深廊穿過最銷凝一點熏鑪細火

蝶戀花

揉碎芳魂園作去絮飛入重門遙挂櫻桃樹人在可憐

春裏住樓臺重疊無尋處聽得雕梁新燕語隔著簾

櫳掠過雙紅縷花底閒愁愁幾許銜愁不去銜花去

馮雲鵲

字贊芝江蘇通州人嘉慶十六年進士官知縣

鷓鴣天

題海晏兄紅雪詞

閒拍紅牙教翠鬢細將簫譜自增刪債償綺語張東澤  
韻繞清江巖次山情何限感無端天衣製就錦闌斑

家傳舊有陽春錄卻恐羅衣特地寒

楊思敬

字暢庵海甯人嘉慶十六年進士官安溪知縣

蝶戀花



纔探羅浮香夢後萼綠重逢綺閣抽簪叩底事匆匆歌  
折柳醉心不待深杯酒 催倚新詞霜翰走香沁波箋  
捧過春蕙手後夜思量卿念否二分明月人回首

國朝詞綜補卷二十七

無錫丁紹儀杏舫輯

崔曾益

二首  
補詞

王朝恩

二首

丁履恆

四首

丁楷

一首

秦承霈

五首

楊麟生

一首

金憲恩

三首

宋鑛

一首

姜甯

三首  
補詞

費開榮

十首

程開泰

一首

聯璧

一首

石同福

二首  
補詞

姚文

二首

胡重

一首

吳騫

一首  
補詞

江 藩 二首

王 槐 一首

馮振聲 一首

馬青上 一首

金蕙元 一首

高日濬 一首

方仲勤 一首

朱聲希 四首  
補詞

何 湘 一首

李 裕 三首

崔曾益

字仲遷陽湖人嘉慶間舉人  
官浙江通判有拜石齋詞

翠樓吟

秋日放舟之金陵

鐵鎖千尋銀濤萬頃江涵秋影無底霜楓飛似雨看落  
日寒鴉聲裏城頭笳起念遠客雲邊歸舟天際東風利  
布帆斜挂舵樓閒倚 猶記江左風流有故宮花草後

庭羅綺石頭高峙處正凝望燕城如薺消磨佳麗歎玉  
壘浮雲金陵王氣秦淮水尙留煙月照人無寐

木蘭花慢

題湯雨生畫梅樓圖

問春生何處高樓外數枝斜正日斂濃陰雪融淺萼煙  
暖平沙闌干幾回倚徧怕東風狼籍滿天涯腕底留將  
春住霜臺盡洗鉛華 神仙眷侶記前身修得到梅花  
羨豔挹班香才工謝絮合伴煙霞韶光未拚輕擲細評  
量好景付生紗欲共羅浮蝶去重重水隔天遮

王朝恩

字笙和華亭人官登  
州知府有傳視齋詞

好事近

春已五分過兀自餘寒側側怪道年時鶯燕尙全無消  
息 梨雲捲盡柳腰敲東風放顛忒贏得十分惆悵過  
百花生日

沁園春

淚

一陣酸來欲止難禁如泉暗滋看香綃澆透不堪重拭  
黛痕感處何事頻垂點點輕拋盈盈易墮悄地無言有  
鏡知堪憐是似海棠經雨越覺多姿 鮫珠散落因誰  
怪怨結心頭不自持慣憶人花底偷彈幾許嗔郎枕畔  
微溫些兒絳蠟宵深翠筠秋老併作人間萬種思魂消  
處甚年年春水長照漣漣

丁履恆

字若士武進人貢生官肥城知縣有宛芳樓詞

滿庭芳

北樓晚望

冥霧沈山淡煙籠渚釀成一片秋容遠林霜葉渲染十  
分紅夢想來時陌上相將見應誤春工知何處水村山  
郭淡蕩酒旗風 匆匆又負了黃花香晚綠醕杯濃算  
難將心事訴與歸鴻更向危闌閒倚蒼波渺目斷孤篷  
高城外宛句雙水流向夕陽東

高陽臺

燼落荷燈水沈蓮漏涼風已度輕裊庭院淒涼暗蛩鳴  
咽牆根不如卻下簾兒坐又敲窗亂葉紛紛任鑪薰攪

入新愁不甚氤氳 清宵本是多惆悵况征鴻信杳目  
斷行雲料得新蟾如今也到重門無聲露溼羅衣薄恐  
斑斑難認啼痕倚黃昏幾曲關干幾度銷魂

疎影

雁

暗蛩吟斷又長空嘹唳數陣驚雁拋卻梁州銜盡寒蘆  
猶帶塞聲悽怨羅浮夢醒君歸去那正好草明香暖怎  
知余小別經年已把鬢華輕換 想爲金商已逗怕冰  
雪嚴凝來寄湘岸瘦影聯翩還喜攜群小聚圓沙低暗  
和煙冷抱菰葭宿早消盡濃霜片片甚東風吹入江南  
又向塞垣飛遠

洞仙歌

潭漪弄影，又路迷巷曲，借叩靈扉啟。仙鑰趁紅襟乳燕，  
歸去斜陽肯替了，傳語畫屏青雀。碧城春晝曩猶記，  
初逢扒角新妝，侍兒學舊夢，暗雲牽錦瑟。人長惜，早是  
瓜分碧玉，待良夜，雙星證深盟。問天上人閒，定誰知覺。

丁

楷 字端書無錫人官州吏目

滿江紅

題潘元紹妾七姬懼辱同縊權厝志潘爲  
偶吳張士誠婿吳亡降明後被戮

如此名花雕闌護，何堪摧折。奈驀地燕巢將圯，烏啼易  
咽。舉目烽煙雲慘淡，驚心鼙鼓山崩裂。怕投戈泛海，雨  
難全空悲切。三興土，今消滅。七姬事，爭傳說。甚薄情



夫婿尚思偷活遺恨青留墳上草劫灰紅染行閒血更  
何人載酒向荒原尋遺碣

秦承霈

字蘭臺金匱人  
官通州知州

卜算子

紅蓼逐風開黃葉因風起燕子無情也解愁絮話秋生  
矣 漠漠露凝空寂寂簾垂地試掩屏山數漏聲領略  
秋滋味

南歌子

柳褪霏微雪桃烘淺淡霞東風作意做繁華無奈濃春  
好景在天涯 香夢尋寒蝶閒愁怯曉鴉故鄉消息盼

仍餘棖觸離心隔院又箏琶

虞美人

梧桐葉上蕭蕭雨絮盡寒蛩語湘簾不捲篆紋斜何事  
秋來瘦影似黃花空庭獨坐添惆悵試向雲邊望三  
三兩兩雁當樓今夜邊城夢裏有歸舟

蘭陵王

冬夜借楊伯夔作

秋夜永疊鼓譙樓初動西窗外獨樹蕭疎滿地霜華似  
潮湧寒威隔簾送半盞蘭膏欲凍歎倦客正抱閒愁又  
是誰家笛三弄殘書半牀擁更茗椀熏鑪自饒清供  
一鈞新月天涯共問江南消息素娥知未如何脈脈窺

窗縫空照破幽夢。高詠瘦肩聳算。只有詩情未減豪。  
縱美人天末。寒雲重。悵何時攜手共傾酌。瓊樽孤酌。  
漫倚醉憶二仲。

御帶花

秋日感懷故園

邊城霜冷秋花瘦。獨夜無聊情緒。一繩雁影帶寒經小。  
閣暗燈孤炷。夢裏還家依稀認。故園煙樹幾度向南雲。  
凝睇愁到兩眉聚。回思年時弟妹。儘讓棗推梨團坐。  
笑語而今何事。歎飄泊頻年。旅懷難訴。淒綠叢中聽落  
葉。蕭蕭如雨。悵已是腸迴九曲。又震戍樓鼓。

楊麟生

字子山金匱人  
官山東縣丞

聲聲慢

題蕊淵伯姝琴清閣填詞圖

竹如人瘦徑與塵疎猗蘭彈徹青琴冷綠吹香風前樹  
帶泉聲玲瓏畫樓東畔閒閒憑第幾層雲清晝永展水  
綃尺幅衣袂涼生靜裏閒情堪賦更七條絃外虛籟  
泠泠字織絲紅淒然天遠秋清簾空不遮花影放殘陽  
漸近窗明歌未闕莫驚他雙蝶夢醒

金惠恩

字雨香江甯人  
官安徽知縣

一萼紅

上巳修禊飲老梅花下

過花朝卻暖輕寒重晴雪未曾消香避風欺影和人瘦  
奪他桃李新嬌恁春色三分去二觴咏處還似度溪橋

玉提壺揮毫選石拚到深宵 漫說蘭亭韻事只臞  
仙入座此約難招日挽頰紅香斂冷碧纖柯堆滿瓊瑤  
待晚煙嫩遮亭角渾凝脂斜罩一層綃添與如眉新月  
挂向寒梢

徵招

邀笛步

春愁一笛和煙曩紅凝半橋殘照誰唱後庭花有綠楊  
斜抱恹恹憐絮老也三弄怨腸淒調渺渺平蕪飛飛倦  
蝶東風吹帽 多少畫輪過尋香去未肯踞牀憑弔孤  
負地三弓除夕陽誰到消魂魂太小那禁得暮潮聲早  
酒亭外幾處菱歌賸野漁歸棹

齊天樂

新筍

南條北葉休尋取，櫻厨喜看同薦。社雨晴初，凍雷驚後，幽徑新泥痕綻。撥殘苔蘚，記小鬪雲根，出林香淺。禁斷人行，爲伊蓬戶晝長掩。層層縹緲，替脫怪龍，孫生小心似蕉捲。鴉嘴鋤長，貓頭種別，挑向淨香亭畔。買來盈擔，笑飽共魚餐，初嘗山店。何事坡仙，賺人參玉版。

宋

夔

字北臺，溧陽人。官浙江通判。

滿江紅

贈葉小庚

如此清才，渾不減屯田柳七。當綺歲蓬萊，便到花生彩筆。好句早傳天上，徧眞仙。偏向人間謫，數游踪金馬碧。

雞遙王尊叱 滇池水心同潔  
杭州酒襟猶溼更閒情  
慣愛偷聲換拍 僂指幾人丹九轉  
傾心此事肱三折  
算雙鬢賭唱合輪君旗亭畫

姜

甯

字滄甫錢塘人官訓導有怡亭詞

國諱按怡亭名字均犯故續編爲改名安

清平樂

菱絲翠澱衫影紋漪  
蘸幾朵黃葵籬角占輪與黑牽牛  
豔 曉涼露浥蒼苔  
小橋北折門開一陣水風過處白  
荷花上秋來

減字木蘭花

嶺南講院送張仙槎歸金陵卽題其泛槎圖

罡風觸浪闌闊晴光開  
軼蕩不礙枯槎千里塘迴萬里

沙 白門歸臥商略他年浮一舸載酒評詩恰話珠江  
惜別時

夢橫塘

題郭頰伽寒鐘買醉圖

蓮釵亞柄蘆雪吹絲半竿斜照蕭瑟合澗橋南只搖曳  
青帘常識昵笑當鑰解衣偷贈醉邊曾惜問飄零四載  
此度重逢誰憐是天涯客 聽鐘聽雨纏綿又蒲帆催  
掛楓葉飛急寂寞而今感舊約酒徒難覓更何限江波  
夢繞一點相思楚雲隔縱待歸來山樓共倚怕雙鬢非

昔

費開榮

字子勇武進人官安徽知縣有月波詞



散餘霞

褪紅簾子垂三面盪曉風似箭清夢喚起鶯聲耐春愁  
不慣 修眉翠痕感短放鏡奩掉轉深掩六曲屏山任  
花寒柳暖

少年游

明波瀉鏡空煙鋪篆殘月海門西岫竹啼雞霜花警雁  
寒夢醒來時 匆匆纜解孤舟輕去人語亂沙溪經歷  
年來江湖滋味多向五更知

杏花天影

詞律向收周章隱之作較此少四字前  
後兩煞尾雖同是六字而句法各異另  
體未經收入也

幾灣芳草迷南浦。片帆外、夕陽古渡。可憐何處是天涯。  
便去。到天涯。又怎駐。江南路。千絲柳舞。算樓畔、離人  
更苦。斷雲春樹隔溪山。薄暮。望行舟、在甚處。

南柯子

舟次臥病

人影和秋瘦。風絲刺骨尖。四圍密放軟紅簾。剛向藥鑪  
煙裏夢魂甜。落日經霜白。長空蘸水藍。維摩禪靜病  
中參。孤負青山一路到江南。

齊天樂

晚江凍醒芙蓉夢。絲絲更飛秋雨。帆腳風尖。櫓臍冰澌  
漸向雁汀蘆渚。時光又暮。悵淡碧涵波冷。紅驚樹矮壓

蓬窗斷檠搖綠動孤緒  
寒閨淒絕者度想空簾窳地  
人在深處病爲愁添魂隨人遠屈指征程何許天涯倦  
旅正帳影參差柝聲酸楚卸了殘妝背燈能睡否

柳色黃

柳影

酒醒今宵何處月明涼凝幽岸煙痕不管離人胃下短  
亭秋怨雲昏水冷可惜千里江南依依無處分濃淡回  
首板橋寒有藏鴉千點  
低縮十二妝樓絲絲掩了映  
桃人面蘸向簾波逗得暗愁撩亂相思莫解鏡裏能否  
當年眉梢籠翠腰圍軟長日儘閒眠恨柔魂如線

解連環

柳影

層層籠砌倩斜陽畫出愁心萬里看一桁長晝暖香要  
判別花風摺成廿四逗上牆根劃不斷磚紋滿地又參  
差引入蝶夢蜂魂欲穿無計 敲斜幾痕卍字莫幻中  
誤認攔住春意趁晚晴空拓廊腰到雨雨風風早經迴  
避也自玲瓏祇可惜不堪憑倚更憐他瘦月移雲粉飄  
金墜

高陽臺

落梅

野水酥冰荒煙墮暝一聲怨笛南樓何處東風孤山老  
鶴先愁雪晴早瘦橫斜影更暗香滿地誰收任消凝宮  
額妝成鵲鏡空羞 編衣宵薄春寒慣甚纔融暖信芳

意難留淡月淒涼黃昏還掛枝頭明珠低解輕相贈恨  
夢雲從此都休怕重來子綴金丸酒醒羅浮

拜星月慢

春暮寄孫萊庵用草窗寄夢窗詞韻

柳重鶯歸蜜酣蜂老簾外孤紅吹換病酒心情早題香  
人倦又將共逝水東風俱去冷落幾許空幃閒幔棲託  
雕梁嘆天涯飛燕雨瀟瀟碎滴芭蕉院溼昏燈獨抱  
春宵怨不堪回首芳洲負冶遊吟伴膩濃陰已滿平蕪  
岸愁羈客恨逐啼鶻亂問能否重約佳期免相思夢斷

望湘人

集白石老仙句贈碧雲校書

歎幽歡未足疊鼓夜寒彩雲飛過何許象筆鸞箋鶯吟

燕舞別有傷心無數空指薔薇甚時重至倩誰傳語悔  
舊遊楊柳津頭嘗與鴛鴦爲侶 曾記長攜手處有翠  
禽小小認郎鸚鵡看檻曲縈紅金絡一團香霧昔遊未  
遠恨春易去紅萼無人爲主但怪得重覓幽香化作沙  
邊煙雨

程開泰

字韻篁金匱人  
官江西知縣

滿江紅

少日交遊屈指數零丁有幾堪慟是邵平老去子安又  
逝宿草已乾紅淚跡才人易鬱青霞氣歎人生華屋與  
山卽須與耳 南皮譙今休矣西江客歸猶未訝西華

葛幘一寒至此風雪漫天空躑躅江湖到處增憔悴問  
年來多少死生愁長江水

聯

璧

字玉農滿洲人  
官刑部郎中

水調歌頭

題潘四梅大令吟稿

胸次淨冰雪筆底足波瀾興酣搖動五岳牛耳執騷壇  
幾許柔腸旖旎幾許壯心激烈語笑襍悲歡應悔種紅  
豆枉費寫鳥闌 三生恨百年事一身擔幾曲瀟湘風  
雨孤調向誰彈漫說煙雲癡幻自有風雲際會枳棘暫  
棲鸞君莫羨雞口誰解送猪肝

石同福

字敦夫吳縣人官梧州  
知府有瘦竹幽花館詞

洞仙歌

碧湖如鏡照翠鬢雲動能得扁舟幾番共奈楊花似淚  
灑徧秋空吹不轉昨夜羅衾殘夢故園芳草欲回首  
東風紅豆雙雙甚時種最苦是相思何苦蘭橈又著意  
把人催送到朝雨輕塵唱陽關怕松葉玻璃酒杯先凍

摸魚兒

題葉小庚詞稿

聽紅牙一聲低拍俗塵萬斛都洗曹娥江畔停舟處黃  
絹共題碑字簫可謚臙縷縷芳情收拾篷窗底更誰知  
已悵控鶴三山載花六詔聊把舊游記從頭數秦柳  
蘇辛曾幾諸家何者堪擬商清宮濁頻番換揮盡平生



詞話卷之二十一  
三  
涕淚春夢裏但紫綺烏紗銷盡英雄氣冷吟殘醉算水  
上琵琶天涯芳草猶有可憐意

姚

文

字竹卿錢塘人  
官安嶺府經歷

瑤華慢

冰花

冷暈呈豔淨比凝酥宛瓊英雕就憑誰粉本畫不到碎  
纈玲瓏如繡翻新結撰勝多少雲裁月鏤笑從伊爛漫  
開時只是空明依舊 新來鏡面偷窺怪點點秋菱都  
被拖逗殘英幾朵襯一片月影棱棱同瘦瑤臺何處想  
今夜玉壺凝透怕霎時委向寒流幾陣東風吹驟

摸魚兒

和黃友蓮作

近重陽滿城風雨客懷無那淒緊聲聲點點簾波外并  
作薄陰殘暝催夢醒更片玉涼敲響透疎窗影閱愁自  
省悵一抹雲低三閒屋小誰與話幽靚 天涯遠縹緲  
芳洲餘恨采香曾蹋明鏡芙蓉秋水今何處况又海棠  
冷損人語靜渾不解慊慊只覺黃昏近歸心暗警嘆塞  
雁橫空吳楓吹老喚棹暮江冷

胡 重

字菊圃錢塘人  
諸生有曲寮詞

百字令

六月十二日吳崧圃屈蘭谷汪雲壑復有  
訪豔之行疊韻調之

畫橈停處正簷端鵲噪草根螢化海上團圞初掛月照  
徹枇杷門下玉臂重盟金徽再撫羅綺春無價王昌輕

薄思量十五曾嫁 最好出水芙蓉迎涼小立吐氣香  
含麝半夜無人私語久惹得蝶嬌鶯姹綵疊同心犀通  
一點本事詩重寫曉風柳岸聲聲珍重歸也

吳

鶯

字槎客海甯人貢  
生有藕花漁唱詞

謁金門

重簾隔在倩燕傳消息月上小樓花弄色畫闌人影絕  
曾記玉階潛立不覺露華微溼離緒疊成千萬結教  
從何處說

江

藩

字鄭堂甘  
泉人監生

紫玉簫

題友人月底修簫譜卷子

圓月初升。玉梅剛吐。畫成無限梨雲。風催綠萼。認暗香  
疎影。應是前身。洞簫輕按。花拍疊。舊譜翻新。宮頻換。不  
管玉奴。吹冷朱唇。 蕩洲自度漁笛。算近日江南第一  
詞人。閒修尺八。聽悠颺。嗚咽。破夢傷春。怕柔腸斷。頻囑  
付。悄喚真真。簫聲緊。莫犯側商。驚醒梅魂。

疏影

和倪米樓帆影

愁心悄寂恍浮雲。冉冉江上。敲側擊。楫閒看。片片模糊  
遮斷天邊。山色飄零。莫說鄉關。遠恐惱煞十年。孤客數  
倚檣。幾點昏鴉。又是暮潮聲急。千里波平。似鏡濛濛  
微雨。過風軟無力。想見樓頭望眼。盈盈幾度。迷離難覓

憑他六幅隨湘轉，祇一半橫拖空碧。到晚來卸向蘆灘，  
卧聽涼宵漁笛。

王

槐字丹生錢塘人監生

滿江紅

同人萍聚西湖歲晚戴金溪馮春穀將入都丁見堂王驪泉均返禾中余得汪照庭之訃亦將赴弔婁東賦此志別並索同人和作

雁叫霜寒已看到，六回圓月天付與湖山。詩酒一時清絕，攜屐頻來。今舊雨對牀，莫辨雲泥。客况連朝放棹，豁雙眸楓林色。燕臺路風塵隔，鴛湖畔煙波濶，問茫茫後會者，番堪惜。我向西州應痛哭，人過北郭傷離別。待重逢何處，續前游，尋鴻跡。

馮振聲

字春穀代州人諸生

滿江紅

將赴都門留別西湖同寓諸君

棹入西陵暢好是秋光濃候合便把杖頭錢掛聯來吟  
袖花港畫船人去遠蘋洲漁笛吹來又賸空狂懷抱未  
消除還如舊南屏路尋僧走雙峰頂攜樽就愛吟詩  
聲裏晚鐘清透好句欲分紅葉豔遙岑已近黃花瘦奈  
鞭絲搖動各天涯分襟驟

馬青上

字對山海鹽人

蕙蘭芳引

朱君玉堂見示煙草百詠率題是解

除卻茗盃甚筠管不教離手算結就相思只合鎮長相

守幾番重撚愛吸到蕙芽殘後看唾花濺處一縷氤氳  
 微逗 樊榭閒情穀原芳意二家俱有煙草之作新詠君又正粵  
 嶠間鄉分取雨苗時候相期他日歸田計就向屋西餘  
 地定栽多畝

金蕙元

字梅峰江甯人

憶帝京 寄友

雞窗風雨長相倚。一旦萍飄千里。柳暗若耶溪。花落那  
 江水。滿目好風光。知念桃源未。計此日春濤初起。正  
 好與才華相擬。芳草橋頭。綠槐庭畔。夢憶往事情難已。  
 寄語惜花人。珍重春寒厲。

高日濬

字惺泉  
錢塘人

沁園春

題吳門畫舫錄

雪豔花明玉恨珠啼悽然有懷怕花天酒地紫簫人遠  
曉風殘月鈿笛聲催銀葉香多金鈴風小眉語逡巡總  
費猜堪憐是剩櫻桃樹底一片蒼苔 柔情多付深杯  
况如此雕龍繡虎才認橫塘宛轉眞娘久住湘波冷落  
交甫曾來落魄青衫銷魂白紵急管繁絃盡可哀渾不  
管任相思一樹花落花開

方仲勤

字玉夫  
江甯人

憶舊游

廣陵送嚴小秋訪交甫北



甚蹄輪艦檝南北東西顛倒吾徒卅年前歡聚悵飢驅  
各賦歲月云徂筆花儘榮異地身事反模糊僅跡飽遊  
遊與酣山水情寄菰蒲吁吁者番遇料歲暮江鄉擔  
宿廩儲一尊開夜雨又我忘鼓瑟君待吹竽贏得花閒  
數卷周柳較鏘銖願此去覃懷遙將紙價先示余

朱聲希

字廉夫秀水  
人有吉雨詞

清平樂

流鶯啼早一陣春寒峭窗掩碧紗人乍覺去聲獨擁鴛衾  
思悄披衣剛倚牀頭風前誰觸簾鈎燕子枉翻雙翦  
幾曾翦得離愁

剔銀燈

螢用毛滂體

細草叢深星散待映芸窗書卷月暗蓮塘雨收豆架點  
點流光淩亂井闌綠徧又繞過海棠秋院還被西風  
吹轉若箇輕兜紉扇經露偏明隔簾巧入悄逗碧羅裙  
綉紗幮漫展怕偷覷夜涼人倦

醉花陰

春陰

漠漠輕烟凝不動密似衣無縫柳色暗妝樓碧掩窗紗  
寒壓孤衾重幾絲微雨風吹送小院梨雲凍隔塢漏  
斜陽一霎迷濛彷彿宵來夢

洞仙歌

雨後泛湖

蓮宵苦雨悵湖山，迷翠人起烟鬢，尙如睡喜波明曉鏡。  
雲散遙岑，今日正水色巒光新霽。白沙堤畔路，任著  
微風小小湖船，泛平底疏柳帶晴暉。碧蘸琉璃，恰掩映  
湖心亭子，趁飛鷺斜穿六橋西。又棹轉峰回，別饒烟水。

何

湘

字仙帆吳縣人諸生

金縷曲

題武進黃仲則詞稿用集中韻

借酒豪情放，向燈前唾壺擊碎，幾回吟望。試問君才誰  
得似，祇許青蓮比量。寫多少雨惆風悵，一樣青山埋白  
骨，卻勝他魚腹招魂，葬騎鯨去海雲蕩。秋花瘦，月疎  
櫺，上是蘭成關山蕭瑟，飄零情況，怕看青衫憔悴，色漸

覺客懷多恙正落葉幽棲庭巷涼浸半簾沈水碧逗玲瓏夜月生綃帳聽天際玉笙響

李

裕

字房山鄞縣人監生

減字木蘭花

風尖燈小何似睡鄉情味好香燼慵添心緒如今澹過煙零鐘斷鼓寒逼鴛衾纔夜午夢到羅浮萬樹梅花月一鉤

醉花陰

月影漸肥梧漸瘦不道秋來驟夜夜望明河屈指佳期又落天孫後手擷餘芳涼意透露氣凝鴛鴦離思正

無涯驀地吹來何處筇篻奏

鷓鴣天

一點殘陽古柳根  
幾枝折葦寫霜痕  
客中人老青油舫  
江上秋多黃葉村  
煙水外做廬存  
疎林慘淡易黃昏  
孤鴻自向雲間度  
我正愁時欲閉門